



Ganito Talaga Ako
Bindu Gupta
Kanak Shashi



 The Asia Foundation



May mga kawan ng tupa na pauwi isang gabi. Sila ay masaya tulad ng dati maliban na lamang kay Matko. Siya ay masyadong malaki para magkasya sa bagong tarangkahan ng bukid.



Lagi na lamang siyang naiiwan at natutulog sa labas sa mahigit isang linggo. At ngayon ay kailangan niya ulit matulog sa labas.



Nakakainis na tarangkahang iyon! Hindi patas ito.



Ang sabi ng tupang si Yogi, "Sabayan mo akong mag-yoga! Ito ay magkapapapayat sa iyo. Upang ikaw ay magkasya sa tarangkahan."



Nang sumunod na araw, nagsimulang mag-yoga si Matko.



Ilang araw ang lumipas...



Pero masyado pa ring malapad si Matko at hindi pa rin magkasya sa gate.



Nagsabi ang
isang tupang nananakbo, "Magsimula kang
tumakbo! Ito ay magpapapayat sa iyo. Upang
ikaw ay magkasya sa tarangkahan."



Mula noon, araw araw na tumatakbo si Matko. Maraming araw ang lumipas ngunit mataba pa rin siya at hindi pa rin magkasya sa pintuan ng bakod.



Nagpayo naman si Maninisd, "Bakit hindi mo subukang lumangoy? Ang paglangoy ay tiyak na makakatulong upang ikaw mabawasan ang iyong laki. Siguradong ikaw ay makapapasok na sa pintuan ng bakod."




Kaya sinimulan agad ni Matko ang paglangoy...



Subalit masyado pa rin siyang malaki para magkasya sa pintuan ng bakod.



Dumating si Bunni at pinakita ang kaniyang bisikleta. "Subukan mo kayang magbisikleta, Matko? Makatutulong ito sa iyo. Kapag ito ay hindi pa rin nakatulong, kakainin ko ang aking sumbrero!" pagbibiro ni Bunni.



Nalungkot si Matko. "Tama na! Gusto ko ng umuwi."

Kaya't siya ay nag-isip. Nag-isip at nag-isip at nag-isip pang muli. Pagkatapos ay nagsimulang maglakad pauwi.



Makalipas ang ilang araw, bumalik si Matko. Ngayon ay may plano na siya. Mayroon siyang...



...KAGAMITAN!



Nang sumunod na umaga, si Matko ay gumising sa kaniyang paboritong lugar.



Lahat ng ibang mga tupa ay nagtaka. "Pero masyado ka pa ring malapad! ang ungal nila. "Paano ka nakapasok sa loob ng bakuran?"



"Simple lang naman, pinalawak ko lang ng kaunti ang pintuan ng bakod," ang pangiting sagot sa kanila ni Matko. "Akma lang ang laki at ito ay ayos para sa akin... Ito lang ako at ganito talaga ako!"



Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Ganito Talaga Ako (*Just the Way I Am*). Author: Bindu Gupta.

Illustrator: Kanak Shashi.

Published by Room to Read, © Room to Read. Released under CC-BY-4.0.

This work is a modified version of the original story. @ The Asia Foundation, 2022. Some rights reserved. Released under CC-BY-4.0.



For full terms of use and attribution,
<http://creativecommons.org/licenses/by/4.0/>

Contributing translators: Maryann Germar, Rowie Dillo, Mary Ann Mag-isa, Omar Del Rosario, Stephanie Ann Quilon, Zimson August Ilagan, and Che Arroyo